



## Skeiða- og Gnúpverjahreppur

### Verklagsreglur varðandi viðauka við fjárhagsáætlun hjá Skeiða- og Gnúpverjahreppi

Með vísan í 63. gr. sveitarstjórnarlaga nr. 138/2011 er kveðið á um viðauka við fjárhagsáætlanir sveitarfélaga og hefur reikningsskila- og upplýsinganefnd sett verklagsreglur sem eiga að vera grunnur að verklagi sveitarfélaga við gerð viðauka.

#### Ábyrgð

- Sveitarstjóri, sviðsstjóri og forstöðumenn bera ábyrgð á að halda fjárhagsáætlun ársins innan fjárheimildar.
- Sveitarstjóri, sviðsstjóri og forstöðumenn bera ábyrgð á tillögur að viðauka séu gerðar og lagðar fyrir sveitarstjórn.
- Sveitarstjórn er ein til þess bær að samþykkja viðauka.

#### Forsendur

Skv. reglum reikningsskila- og upplýsinganefndar skulu meginforsendur við gerð viðauka vera eftirfarandi:

- Fjárhagsáætlun hvers árs er bindandi ákvörðun sveitarstjórnar um fjárheimild ársins.
- Leita skal fyrirfram samþykkis sveitarstjórnar vegna útgjalda eða fjárfestingar umfram gildandi fjárhagsáætlun.
- Viðauka við fjárhagsáætlun skal ekki gera til að leiðrétta í fjárhagsáætlun útgjöld í rekstri eða fjárfestingar sem þegar þegar hefur verið stofnað til.
- Ekki er heimilt að samþykkja ný útgjöld í rekstri eða til fjárfestingar, sem ekki er gert ráð fyrir í gildandi fjárhagsáætlun, nema jafnhliða sé samþykktur viðauki við fjárhagsáætlun sveitarfélags.
- Leitast skal við að finna svigrúm innan viðkomandi deildar/málaflokks sem ráðstöfun snertir, áður en óskað er eftir gerð viðauka.
- Forsenda samþykktar á viðauka er að fram komi hvernig hin nýju útgjöld verði fjármögnuð. Ef ákvörðun kallar á færslu milli liða þarf að liggja skýrt fyrir um hvaða liði fjárhagsáætlunar um ræðir sem bóka megi í viðauka.
- Sveitarstjórn setur sérstakar reglur sem gilda skulu um heimildir innan tilfærslu á milli launakostnaðar og annars rekstrarkostnaðar og millifærslu milli deilda. Sama gildir einnig um heimildir vegna fjárfestingar og millifærslu milli verkefna.

#### Heimildir

Þegar teknar eru hvers konar ákvarðanir um samninga eða aðrar fjárhagslegar ráðstafanir sem ekki rúmast innan fjárheimildar gildandi fjárhagsáætlunar, og hafa þannig í för með sér breytingar á tekjum, gjöldum, fjárfestingum eða skuldbindingum í gildandi fjárhagsáætlun, ber að gera viðauka. Ekki er því heimilt að stofna til skuldbindinga eða útgjalda áður en búið er að afla heimildar í fjárhagsáætlun.

Í samræmi við fyrirliggjandi verklagsreglur reikningsskila- og upplýsinganefndar setur sveitarstjórn Skeiða- og Gnúpverjahrepps sér eftirfarandi verklagsreglur um gerð viðauka.

#### 1. Heimildir vegna tilfærslu á milli launakostnaðar og annars rekstrarkostnaðar

Verði breytingar á stöðugildum starfsmanna, aukning á launakostnaði eða tilfærsla á milli launakostnaðar og annars rekstrarkostnaðar skal gera um það viðauka. Heimilt er að færa á milli launakostnaðar og annars rekstrarkostnaðar innan sömu deildar allt að 2 milljónum króna án samþykktar sveitarstjórnar.



## Skeiða- og Gnúpverjahreppur

### 2. Heimildir vegna millifærslur á milli deilda

Ef fjárhagslegar ráðstafanir sem ekki er gert ráð fyrir í samþykktri fjárhagsáætlun snerta fleiri en eina deild skal ætíð leggja fram viðauka.

### 3. Lámarg fjárhæðar sem leita þarf samþykkis fyrir með viðauka

Ætíð skal leitast við að finna svigrúm innan viðkomandi deildar/málaflokks sem ráðstöfunin snertir áður en leitað er að svigrúmi annars staðar. Lámarksfjárhæð sem leita þarf samþykkis fyrir með viðauka er 500.000 kr. Fjárhæð undir 500.000 kr. skal finna svigrúm innan viðkomandi deildar/málaflokks.

### 4. Heimildir vegna fjárfestinga og tilfærslu milli deilda

Heimilt er að hliðra til verkefnum í framkvæmda- og/eða fjárfestingaáætlun án samþykkis sveitarstjórnar, svo fremi að breytingin nemi ekki hærri en 5 milljónum króna og rúmist innan áður samþykktar heildarfjárhæðar til fjárfestinga og framkvæmda í fjárhagsáætlun ársins.

Fjárhæð tilfærslu sem er umfram 5 milljónum króna skal leggja til samþykktar fyrir sveitarstjórn. Gera skal viðauka við fjárfestingar- og/eða framkvæmdir sem ekki rúmast innan áður samþykktar fjárhæðar í fjárhagsáætlun.

### Framlagning viðauka

Í þeim tilvikum sem gera þarf viðauka skal viðkomandi forstöðumaður óska eftir því við sveitarstjóra að leitað verði samþykkis sveitarstjórnar fyrir viðauka. Skal sveitarstjóri leggja tillögu, ásamt minnisblaði eða öðrum gögnum þar sem fram kemur hvernig útgjöldunum verði mætt og hvaða áhrif tillagan muni hafa á samþykta fjárhagsáætlun, fyrir sveitarstjórn.

Viðauki við fjárhagsáætlun ásamt fylgigögnum er lagður fyrir sveitarstjórn til samþykktar. Sé viðaukinn samþykktur skal hann bókaður. Í bókun sveitarstjórnar skal þess gætt að skýrt komi fram upplýsingar um eðli breytinga, fjárhagsleg áhrif og hvernig lagt sé til að útgjöldunum eða fjárfestingunni verði mætt. Sveitarstjóri ber ábyrgð á að fjárhagsáætlun sé uppfærð í samræmi við samþykta viðauka og að viðauki sé sendur Hagstofunni innan tilskilinna tímamarka.

Samþykkt í sveitarstjórn Skeiða- og Gnúpverjahrepps 05-04-2022

  
Sýlvía Karen Heimisdóttir, sveitarstjóri